

Sveitarstjóri Grímsnes- og Grafningshrepps

From: Karl Björnsson <karl.bjornsson@samband.is>
Sent: föstudagur, 16. desember 2022 13:30
To: Karl Björnsson
Subject: Fjármögnun þjónustu við fatlað fólk og hækkun útsvarsálagningar - Samkomulag er í höfn

Til framkvæmdastjóra sveitarfélaga

Þann 14. desember sl. sendi ég ykkur póstinn hér að neðan með því loforði að láta ykkur vita um leið og niðurstaða lægi fyrir í þessu máli. Nú rétt í þessu náðist samkomulag um breytingu á fjármögnun þjónustu við fatlað fólk milli þriggja ráðuneyta og sambandsins. Eftir er að undirrita samkomulagið, en það er einungis formsatriði.

4.gr. samkomulagsins hljóðar svo:

„Breytingar á lögum um tekjustofna sveitarfélaga

Hámarksútsvar sveitarfélaga, sem ákveðið er í 1. mgr. 23. gr. laga um tekjustofna sveitarfélaga, nr. 4/1995, sem er nú 14,52%, skal hækkað um 0,22% samhliða lækkun á tekjuskatts um samsvarandi hlutfall í báðum skattþrepum.

Gert er ráð fyrir að hækkun hámarksútsvars skv. 2. mgr. renni í Jöfnunarsjóð sveitarfélaga. Hlutfall útsvarstekna vegna málefna fatlaðs fólks sem fer í Jöfnunarsjóð sveitarfélaga skv. 2. tölul. c-lið 8. gr. laga um tekjustofna sveitarfélaga er nú 0,99% og skal hlutfallið því hækka um 0,22% stig samhliða hækkun hámarksútsvars í 1,21%.

Breytingar á hámarksútsvari sveitarfélaga taka gildi fyrir árið 2023 og sveitarfélögum verður heimilað að ákvarða útsvar vegna ársins 2023 eigi síðar en 30. desember 2022 og tilkynna það fjármálaráðuneytinu eigi síðar en þann dag, sbr. 24. gr. laga um tekjustofna sveitarfélaga.“

5. gr. samkomulagsins hljóðar svo:

„Skipting framlags

Aðilar eru sammála um að hækkun útsvarstekna sveitarfélaga samkvæmt samkomulagi þessu, verði hluti af framlögum Jöfnunarsjóðs sem veitt eru til sveitarfélaga vegna málefna fatlaðs fólki á grundvelli þeirra laga og reglna sem gilda um framlög sjóðsins til málaflokksins, sbr. m.a. 2. mgr. 13. gr. a. laga um tekjustofna sveitarfélaga.“

Lagabreytingar á grundvelli þessa verða væntanlega samþykktar á Alþingi í dag eða á morgun.

Þetta þýðir á einföldu máli að sveitarstjórnir þurfa að samþykkja og tilkynna fjármálaráðuneytinu í síðasta lagi 30. desember nk. hækkun útsvarsálagningar um 0,22% stig ef þau ætla koma skaðlaus frá því að þetta sama hlutfall verði tekið af heildarútsvarsálagningu sveitarfélagsins og látið renna í Jöfnunarsjóð sveitarfélaga til

fjármögnunar á útgjöldum vegna þjónustu við fatlað fólk. Ef sveitarstjórn kýs að hækka ekki útsvarsálagninguna um þetta hlutfall mun það engu að síður verða tekið af heildarútsvarsálagningu sveitarfélagsins og fært til Jöfnunarsjóðs sveitarfélaga og þar með lækka þær útsvarstekjur sem renna beint til sveitarfélagsins.

Þar sem að ríkið mun lækka tekjuskattsálagningu sína um samsvarandi hlutfall munu skattgreiðendur ekki verða fyrir skattahækkun eða lækkun vegna þessa, að því gefnu að sveitarfélög hækki útsvarsálagninguna.

Áætlað er að þessi breyting auki tekjur inn í málaflokkinn um 5 ma.kr. á næsta ári.

Til upplýsingar er mikilvægt að þið vitið að í samkomulaginu kemur fram að starfshópur ríkis og sveitarfélaga (HLH-nefndin) sem skipaður var sl. sumar og er ætlað að móta tillögur um kostnaðarskiptingu ríkis og sveitarfélaga í málaflokki á grundvelli kortlagningar á kostnaðarþróun málaflokksins undanfarin ár, skuli ljúka störfum eigi síðar en 30. apríl 2023. Hópnunum er einnig falið að setja fram valkosti um hvernig stuðla megi að hagkvæmni í þjónustunni og hægja á útgjaldavexti. Munu fulltrúar ríkis og sveitarfélaga fara yfir og ræða tillögur starfshópsins þegar þær liggja fyrir.

Gangi ykkur vel og gleðileg jól.

Kv. Karl Bj.



Karl Björnsson
framkvæmdastjóri
Beint innval: 515 4910
Netfang: karl.bjornsson@samband.is

Samband íslenskra sveitarfélaga
Borgartúni 30, pósthólf 8100 128 Reykjavík
Sími: 515 4900 // Fax: 515 4903
www.samband.is

Vinsamlega athugið að þessi tölvupóstur og viðhengi hans eru eingöngu ætluð þeim sem tölvupósturinn er stílaður á og gætu innihaldið upplýsingar sem eru trúnaðarmál. Hafir þú fyrir tilviljun, mistök eða án sérstakrar heimildar tekið við tölvupósti þessum og viðhengjum hans biðjum við þig að fara eftir 5. mgr. 47. gr. laga nr. 81/2003 um fjarskipti og gæta fyllsta trúnaðar og tilkynna okkur að þau hafi ranglega borist þér.

Frá: Karl Björnsson

Sent: Wednesday, December 14, 2022 3:23 PM

Til: Karl Björnsson <karl.bjornsson@samband.is>

Efni: Fjármögnun þjónustu við fatlað fólk og hækkun útsvarsálagningar

Til framkvæmdastjóra sveitarfélaga

Á fundi stjórnar sambandsins sem nú stendur yfir var eftirfarandi fært til bókar undir liðnum **Fjármögnun þjónustu við fatlað fólk**:

„Framkvæmdastjóri skýrði stöðu málsins. Unnið er að gerð samkomulags milli ríkisins og sambandsins sem kveður á um lækkun tekjuskattsálagningar ríkisins og samsvarandi hækkun álagningahlutfalls útsvars, sem á að skila a.m.k. 5 ma.kr. til sveitarfélaga í gegnum Jöfnunarsjóð sveitarfélaga á næsta ári til að mæta að hluta útgjöldum vegna

Þjónustu við fatlað fólk. Áfram verður unnið að greiningu á útgjöldum og þróun þeirra í málaflokknum og mótun tillagna um fyrirkomulag framtíðarþjárfjármögnunar þessarar þjónustu. Ljóst er að fyrirhugaðar skattabreytingar kalla m.a. á lagabreytingar um hámarksútsvar og ákvæði um tímasetningu á endanlegum samþykktum og tilkynningum sveitarstjórna um útsvarsálagningu, sem ganga þarf frá fyrir næstu áramót. Því er nauðsynlegt sveitarstjórnir haldi fundi vegna þessa í desember.

Samþykkt að veita formanni og framkvæmdastjóra sambandsins umboð til að skrifa undir samkomulag við ríkið á grundvelli framangreinds.“

Ekki liggur fyrir nákvæmlega á þessari stundu hvert hlutfallið verður sem hækka þarf útsvarsálagninguna um, en þegar samkomulagið liggur fyrir verða ykkur sendar nákvæmlegar upplýsingar.

Með bestu kveðju,
Karl Bj.



Karl Björnsson
framkvæmdastjóri
Beint innval: 515 4910
Netfang: karl.bjornsson@samband.is

Samband íslenskra sveitarfélaga
Borgartúni 30, pósthólf 8100 128 Reykjavík
Sími: 515 4900 // Fax: 515 4903
www.samband.is

Vinsamlega athugið að þessi tölvupóstur og viðhengi hans eru eingöngu ætluð þeim sem tölvupósturinn er stílaður á og gætu innihaldið upplýsingar sem eru trúnaðarmál. Hafir þú fyrir tilviljun, mistök eða án sérstakrar heimildar tekið við tölvupósti þessum og viðhengjum hans biðjum við þig að fara eftir 5. mgr. 47. gr. laga nr. 81/2003 um fjarskipti og gæta fyllsta trúnaðar og tilkynna okkur að þau hafi ranglega borist þér.